

**Klub SDP BiH**  
**Zastupnica Jelena Pekić**

Sarajevo, 10.05.2024. godine

**ZA:**  
**BOSNA I HERCEGOVINA**  
**FEDERACIJA BOSNE I HERCEGOVINE**  
**KANTON SARAJEVO**  
**SKUPŠTINA KANTONA SARAJEVO**  
**n/r Predsjedavajućeg Skupštine Kantona Sarajevo**

U skladu sa članom 214. Poslovnika Skupštine Kantona Sarajevo, postavljam:

### **ZASTUPNIČKO PITANJE**

Za:  
**Ministarstvo privrede Kantona Sarajevo**  
**KJP Sarajevo-šume d.o.o. Sarajevo**

Poštovani,

Molim da mi dostavite informacija zašto je „Park šuma prijateljstva“ zatvoren, te zašto se ništa ne poduzima na rješavanju ovog za građane iznimno bitnog pitanja, kao i da li je zakupac poslovnog objekta deložiran sobzirom da je bespravni korisnik istog.

### **OBRAZLOŽENJE:**

Prema informacijama sa kojima raspolazem, Općina Stari Grad Sarajevo se obratila KJP "Sarajevo - šume" d.o.o. Sarajevo, sa inicijativom za revitalizaciju projekta „Park šuma prijateljstva“ ali zvanični odgovor na inicijativu Općine Stari Grad Sarajevo od strane KJP "Sarajevo - šume" d.o.o. Sarajevo nikada nije dostavljen. Zbog problema u funkcionisanju, Park je već neko vrijeme zatvoren i nalazi se u lošem stanju. Kao takav građanima ne pruža mogućnosti za bavljenje zabavno-rekreativnim sadržajima.

Zbog blizine starogradske jezgri ovaj lokalitet bi mogao postati popularno izletišta i nova turističko-rekreativna lokacija za sve stanovnike koji utočište od gradske vreve pronalaze u prirodnom okruženju. Uvažavajući naprijed navedeno, prevashodno inicijativu Općine Stari Grad Sarajevo, kao i činjenicu da Park već duže vrijeme stoji zatvoren i propada, postavlja se pitanje zašto KJP "Sarajevo - šume" d.o.o. Sarajevo dozvoljava da Park propada, ako je Općina zainteresirana za revitalizaciju Parka i uređenje istog.

U Parku se nalaze staze za šetnju, amfiteatar, dječje igralište, sprave za vježbanje, šadrvani, hladnjaci, objekat kafe-restorana, suvenirnica, pet javnih česmi, malo vještačko jezero, drveni most, prostor za piknike, vidikovac. Dakle, apsolutno vidljiv potencijal da ovaj dio grada bude ispunjen posjetiocima svakodnevno, a posebno u danima vikenda.

Cijeneći sve naprijed navedeno, zanima me zbog čega menadžment KJP "Sarajevo - šume" d.o.o. Sarajevo ne pokreće proceduru deložacije nelegalnog zakupca i ne poduzima nikakve aktivnosti kako bi se ovo značajno izletišta uredilo i dovelo u stanje funkcionalnosti, te ukoliko nije u mogućnosti da to samostalno uradi, zašto to ne dopusti Općini Stari Grad Sarajevo.

Molim vas da odgovor na pitanje dostavite i u elektronskoj formi na službeni mail [jelena.pekic@skupstina.ks.gov.ba](mailto:jelena.pekic@skupstina.ks.gov.ba)

S poštovanjem,

*Jelena Pečić*

  
*Zastupnica u Skupštini Kantona Sarajevo*